

BOSNA I HERCEGOVINA
FEDERACIJA BOSNE I HERCEGOVINE
KANTON 10
OPĆINSKI SUD U LIVNU
Broj: 68 0 Ps 073851 21 Ps
Livno, 22.04.2022.. godine

Općinski sud u Livnu, sudac Martina Baković u pravnoj stvari tužitelja Srpska napredna stranka, sa sjedištem u Banja Luci, ul. Jovana Dučića 40, koju zastupa predsjednik Jovan Hadži Mitrović s sve punomoćnik Mišo Golub, odvjetnik iz Banja Luke protiv tuženika Hercegbosanska županija, Skupština Hercegbosanske županije koju zastupa zz ŽJP Ankica Sliško, nakon glavne usmene i javne glavne rasprave zaključene 24.03.2022. godine u prisutnosti punomoćnika tužitelja i zz tužene, dana 22.04.2022.godine donio je

P R E S U D U

Odbija se tužbeni zahtjev kojim tužitelj traži od tuženika u roku od 15 dana isplatu na ime glavnog duga u iznosu od 16.000,00 KM sa zakonskom zateznom kamatom na iznos od 8.000,00 KM počev od 01.03.2020. godine pa do isplate i sa zakonskom zateznom kamatom na iznos od 8.000,00 KM počev od 01.03.2021. godine pa do isplate kao pravno neutemeljen.

Obvezuje se tužitelj naknaditi tuženiku troškove postupka u iznosu od 2.160,00 KM u roku od 30 dana od dana dostave prijepisa ove presude.

O b r a z l o ž e n j e

Dana 25.10.2021. godine, tužitelj je podnio tužbu protiv tuženika radi duga.

U tužbi u bitnome navodi da je tužitelj politička organizacija osnovana u skladu sa Zakonom o političkim organizacijama Republike Srpske i upisana u registar političkih organizacija koji se vodi pri Osnovnom sudu Banja Luka, koji je u skladu s Izbornim zakonom BiH sudjelovao na Općim izborima u Bosni i Hercegovini održanim 2018. godine i osvojio mandat u Domu naroda Parlamenta Federacije Bosne i Hercegovine a da je tužena društveno politička organizacija osnovana u skladu s Ustavom BiH i F BiH.

Ističe da je više puta pozivao Vladu HBŽ, Ministarstvo financija da izvrši svoju obvezu utvrđenu odlukom o odobravanju sredstava iz Proračuna HBŽ za 2019. godinu i 2020. godinu u iznosu od po 8.000.00 KM koja potraživanja tužitelja su dospjela na naplatu do dana 28.02.2020. godine odnosno do 28.02.2021. godine.

Pravni osnov tužbenog zahtjeva tužitelj nalazi u odredbama ZOO-a, Odlukama o odobravanju sredstava iz Proračuna HBŽ, Zakonu o izvršenju proračuna HBŽ i Zakona o financiranju političkih organizacija

Tužitelj s toga predlaže sa se tužbeni zahtjev u cijelosti usvoji i obveže tuženik da mu na ime glavnog duga isplati iznos od 16.000,00 KM sa zakonskom zateznom kamatom kako je to navedenom u tužbenom zahtjevu kao i troškovima parničnog postupka.

Tuženik u odgovoru na tužbu u cijelosti osporava osnov i visinu tužbenog zahtjeva, ističe prigovor nedostatka pasivne legitimacije i prigovor zastare potraživanja.

Navodi da je člankom 1.9 Izbornog Zakona BiH propisano da mandat pripada izabranom nositelju mandata a ne političkoj stranci, koaliciji ili listi nezavisnih kandidata koja ga je predložila na kandidatskoj listi .

Zastupnik D. R. je osvojio mandat u Skupštini Hercegbosanske županije i isti je od Središnjeg izbornog povjerenstva BiH s kandidacijske liste iz reda srpskog naroda dobio mandat u Domu naroda Parlamenta F BiH. Središnje izborno povjerenstvo je dana 30.10.2019.godine obavijestilo Skupštinu HBŽ da je donesena Odluka o prestanku mandata D. R. i dodjeli mandata slijedećem kvalificiranom kandidatu A. Š. koji zastupnik A. Š. je nakon toga napustio SNS i prešao u SNSD o čemu je dostavio pisanu Izjavu u kojoj navodi da od 18.01.2020. godine nastupa kao poslanik SNSD-a.

Ističe da je tužena proračunom za 2019.godinu planirala sredstva za parlamentarne stranke sukladno osvojenim mandatima u Skupštini HBŽ , te da su zastupnici koji su osvojili mandat dostavili broj računa banke na koji ta sredstva trebaju biti isplaćena pa da je tako D. R. koji je bio zastupnik u Skupštini HBŽ-a za 2019. godinu dostavio broj računa SNS F BIH i sredstva su isplaćena na taj račun te stranke

Također navodi da je Stručna služba Skupštine HBŽ Zahtjevom za dostavu transakcijskog računa predstavnika parlamentarnih stranaka koje participiraju u Skupštini HBŽ zatražila podatke vezano za isplatu sredstava iz Odluke o odobravanju sredstava iz Proračuna HBŽ za 2019.godinu.

Na prijedlog Administrativno-pravnog povjerenstva Skupština HBŽ je dana 30.12.2019. godine usvojila Odluku o odobravanju sredstava iz proračuna HBŽ za 2019. godinu i sredstva iz proračuna HBŽ za 2019. godinu namijenjena za financiranje političkih stranaka u Skupštini HBŽ uplaćena su na račun SNS F BiH koji je dostavio zastupnik D. R. koji je osvojio mandat u Skupštini ispred SNS-a , a zastupnik A. Š. koji je zamijenio zastupnika D. R. nije imao primjedbi da se sredstva dodijele na račun koji je dostavljen Stručnoj službi Skupštine HBŽ.

Isto tako Skupština je dana 29.12.2020. godine usvojila Odluku o odobravanju sredstava iz Proračuna HBŽ za 2020. godinu nakon čega je Zahtjevom od parlamentarnih stranaka zatražila podatke vezano za isplatu sredstava za stranke iz Odluke.

Zastupnik A. Š. koji je bio zastupnik SNS-a u Skupštini HBŽ –a dana 28.12.2020. godine Izjavom je obavijestio skupštinu da sredstva namijenjena parlamentarnim strankama uplate na račun SNSD-a jer on ubuduće djeluje kao zastupnik SNSD-a a zastupnik D. P. je dostavio račun SNS F BiH.

Pred sudom su izvedeni slijedeći dokazi, uvidom i čitanjem materijalnih dokaza: Izvoda iz sudskog registra Osnovnog suda u Banja Luci broj: Rp-1/07 od 13.10.2021. godine, Odluke o odobravanju sredstava iz Proračuna HBŽ za 2019. godinu broj: 01-02-50.2/19 od 30.12.2019. godine, Odluke o odobravanju sredstava iz Proračuna HBŽ za 2020. godinu od 29.12.2020. godine, Dopisa SNS-a naslovljen kao Zahtjev za doznaku novčanih sredstava upućen HBŽ-u dana 28.01.2020. godine, Podneska upućenog Vladi HBŽ-a, Ministarstvo finansija naslovljen kao Opomena pred tužbu – poziv na izvršenje

obaveza od 02.07.2020. godine, Podneska upućenog Vladi HBŽ-a, Ministarstvo finansija naslovljen kao Obavještenje o nepostupanju i ponovni poziv na izvršenje obaveza od 23.11.2020. godine, Podneska upućenog Skupštini HBŽ-a, naslovljen kao Zahtjev za dostavljanje informacija od 31.03.2021. godine, Podneska upućenog Skupštini HBŽ-a, naslovljen kao Urgencija od 04.08.2021. godine, Podneska upućenog Skupštini HBŽ-a, naslovljen kao Zahtjev za dostavljanje dokumentacije od 10.08.2021. godine, Podneska upućenog Skupštini HBŽ-a, naslovljen kao Obavještenje od 13.09.2021. godine, Izvoda iz sudskog registra Osnovnog suda u Banja Luci broj: Rp-1/07 od 18.02.2022. godine, Uvjerenja o poreznoj registraciji za Srpsku naprednu stranku FBiH od 18.09.2019. godine, Obavijest o razvrstavanju Federalnog zavoda za statistiku broj: 07-32.5-88874/19 od 19.09.2019. godine, Potvrde Naša banka a.d Bijeljina Filijala Zvornik od 24.02.2022.godine, Kartona deponovanih potpisa od 24.09.2018. godine, Izvoda sa računa br.38, Mjesečnog izvoda za period od 01.12.2019. godine do 31.12.2019. godine, Mjesečnog izvoda za period 01.12.2020.do 31.12.2020. godine, Izvoda broj 33, Izvoda broj 34, Mjesečnog izvoda za period od 01.12.2020. godine do 31.12.2020.godine, Mjesečnog izvoda za period 01.01.2021. do 31.01.2021. godine, Obavještenje SIP-a broj: 06-1-07-1-341/19 od 30.10.2019. godine, Odluka SIP-a broj: 06-1-07-341/19 od 19.11.2019. godine, Zahtjev za dostavu transakcijskog računa , broj: 01-02-14-167/19 od 11.12.2019. godine, Zahtjev za uplatu sredstava SNS, broj: 01-02-14-167.11/19 od 21.01.2020. godine, Odgovor na zahtjev broj: 01-02-14-167.13/19 od 05.02.2020. godine, Obrazac br. 2 za isplatu sredstava za stranke za 2019.godinu, Zaključak APP broj: 01-03/12-45-23/20 od 17.02.2020. godine Odgovor na dopis broj: 01-02-14-167.17/19 od 05.06.2020. godine, Zahtjev broj: 01-02-45-98/20 od 29.12.2020. godine, Zahtjev za uplatu sredstava SNS FBiH broj: 01-02-45-98.11/20 od 18.01.2020. godine, Obrazac br.2 za isplatu sredstava za stranke za 2020.godinu, Izjava I Obavijest A. Š., broj: 01-03/12-11-132/20 od 28.12.2020. godine, Izjava D. P., broj: 01-03/12-11-119/20 od 11.12.2020. godine

Provedeno je saslušanje svjedoka G. O., A. Š., J. Č., D. R. i A. T..

U svom iskazu svjedok G. O. naveo je da je od 14.03.2015. godine generalni sekretar u SNS-u koja stranka je sudjelovala na Općim izborima 2018. godine imala svoju listu kandidata u Kantonu 10 i osvojila 1 mandat, te da joj kao stranci koja je osvojila mandat u Skupštini HBŽ po osnovu izbora nije isplaćena naknada iako su se obraćali Skupštini Kantona 10 i imali više kontakata s njima, a da su ih dopisima obavještavali da su izvršili uplatu navodeći i datume kada je uplata izvršena, no da nijedna uplata nije izvršena SNS –u po osnovu osvojenog mandata. Navodi da je poslije prelaska A. Š. iz SNS-a u SNSD tijekom 2020. godine, ne zna tačno kada SNS ostala bez zastupnika u Skupštini HBŽ-a

U svom iskazu svjedok A. Š. naveo je da je na izborima 2018. godine nastupao kao kandidat SNS –a, da ne zna tačno do kada je u Skupštini HBŽ-a bio zastupnik SNS-a ali da je u siječnju tačnije 18.01.2020. godine postao član SNSD, a da je u prosincu obavijestio Kantonalnu skupštinu da od tog datuma 18.01.2020. godine nastupa ispred kluba SNSD, da nikada nije bio član stranke SNS F BiH koja je osnovana 2019. godine

te da mu nije poznato da li je tijekom 2020. godine u Skupštini HBŽ bilo zastupnika SNS.

Da je koliko je njemu poznato Skupština vršila isplatu sredstava političkim strankama za osvojene mandate na osnovu prijedloga Odluke administrativno pravne komisije koja na osnovu sredstava koja su planirana u budžetu Kantona vrši raspodjelu sredstava po osnovu osvojenih mandata parlamentarnih političkih stranaka, da Skupština Kantona 10 taj prijedlog odluke razmatra i usvaja odluku o raspodjeli sredstava.

Obzirom da je račun stranke u koju je ušao SNSD poznat te da se na isti račun isplaćivalo ostalim zastupnicima SNSD-a došlo je samo do povećanja broja mandata SNSD-a a samim tim i iznosa. Naveo je da on nije dostavljao račune za 2020. godinu nego da je podatke o računu dostavila SNS F BiH koja je osnovana u rujnu 2019. godine i da misli da je podatke o računu dostavila i SNS kao i da je prema Odlukama o raspodjeli sredstava za 2019. i 2020. godine dobitnik sredstava SNS.

Svjedok A T, zastupnik u Skupštini HBŽ-a i predsjednik Administrativno pravnog povjerenstva kao tijela koje daje prijedlog odluke o raspodjeli sredstava za financiranje političkih stranaka i samostalnih zastupnika naveo je da je kao i ranijih godina pravni temelj povjerenstva za donošenje odluke čl.1 točka 9 Izbornog zakona BiH gdje stoji da mandat pripada pojedincu, izabranom dužnosniku, te da se pozivaju zastupnici koji su osvojili mandat da se izjasne gdje žele da idu sredstva koja pripadaju iz proračuna za njegov mandat za tu godinu i na temelju izjave takvih zastupnika, administrativno povjerenstvo donosi odluku (prijedlog) i ta odluka ide na skupštinu i Skupština u konačnici odbija ili usvaja prijedlog Odluke, da je 2019 i 2020. godine na temelju izjava zastupnika D. R. i A. Š. vršena je isplata novčanih sredstava za 2019 i 2020. godinu da se ne može točno sjetiti sadržaja Odluka o odobravanju sredstava za 2019. godinu i 2020. godinu

Nakon što su svjedoku predočene Odluke o odobravanju sredstava za 2019. godinu i 2020. godinu isti je naveo da smatra da je stručna služba HBŽ napravila tehničku grešku koja se odnosi u pisanju skraćenice stranke SNS umjesto SNS F BiH.

Pojašnjava da se za 2019. godinu navedena greška ogleda u tome da u tabeli umjesto što stoji da se odobrava isplata SNS-u trebalo da stoji SNS F BiH upravo na temelju izjave zastupnika D. R. da se sredstva za financiranje političkih stranaka za njegov mandat za 2019. godine isplate na račun SNS F BiH, kao i da je prema izjavi koju je dao zastupnik **D. P.** novac za njegov mandat za 2020 trebao biti isplaćen SNS F BiH, a iz odluke od 2020 je vidljivo da se ne navodi SNS F BiH. 2020.godine SNS nije imala uopće zastupnika u Skupštini Kantona 10, odnosno nije imala zastupnika od kada je gospodin Š. iz SNS-a prešao u SNSD i novac za 2020 za njegov mandat je isplaćen SNSD-u. Ističe da Odluka Skupštine predstavlja osnov za isplatu sredstava iz proračuna ali da ta odluka mora biti u skladu s izjavama zastupnika, odnosno osnov za odluku skupštine su izjave zastupnika, a prateći prilog izjavama su brojevi računa na koje treba izvršiti uplatu.

Svjedok J Č predsjednik Skupštine HBŽ od 20.03.2019. godine naveo je da mandat pripada zastupniku i zastupnik odlučuju gdje će sa svojim novcem tj. na temelju izjave zastupnika koja se šalje na administrativno pravno povjerenstvo gdje se donosi odluka

(prijedlog) i upućuje u skupštinsku proceduru na glasanje i donosi se odluka o raspodjeli sredstava novac treba biti isplaćen tamo gdje je rekao zastupnik – nositelj mandata.

Nakon što su mu predočene Odluke za 2019 i 2020. godinu svjedok je naveo da je došlo do tehničke greške gdje se navodi SNS jer je na temelju izjave D. R. za 2019 novac je trebao biti plaćen SNS-u F BiH, temeljem izjave A. Š. koji je iz SNS prešao u SNSD za 2020. godinu SNSD-u, a temeljem izjave D. P. za 2020. također SNS-u F BiH .

U svom iskazu svjedoka D. R. naveo je da je od Izborna 2018. godine pa do 5.10.2020. godine nastupao kao zastupnik u Skupštini HBŽ. Da je osvojio mandat ispred SNS-a i da poslije 3.09.2019. godine više nije bio poslanik SNS u Skupštini HBŽ nego SNS F BiH, koju stranku su osnovali 03.09.2019. godine, da se izjasnio i podnio zahtjev da sredstva za osvojeni mandat za 2019. godinu idu na račun SNS F BiH, a da mu je poznato i iz prethodnih godina da se ta sredstva vezuju za mandat koji je osvojio poslanik i ako ode u drugu stranku da ima pravo da kaže da ta sredstva idu toj drugoj stranci u koju je otišao, Navodi i da su na temelju izjave D. P. za njegov osvojeni mandat sredstva za 2020. godinu uplaćena na račun SNS F BiH.

Nakon što su mu predočene Odluke Skupštine iz 2019 i 2020. godine svjedok se izjasnio u bitnom kao svjedoci A. T. i J. Č. tj. da se radi o očitoj grešci u Odluci u pogledu navođenja stranke SNS-a.

U skladu s odredbom čl.8 i 123 st.2. ¹ZPP-a sud je savjesno i brižljivo ocijenio svaki dokaz posebno i sve dokaze zajedno, te odlučio kao u izreci iz sljedećih razloga.

Na osnovu izvedenih dokaza nepobitno proizlazi utvrđeno činjenično stanje, koje je dijelom i nesporno.

Tako se utvrđuje da je tužitelj kao politička organizacija-stranka osnovana u skladu sa Zakonom o političkim organizacijama Republike Srpske upisan i registriran u registar političkih organizacija koji se vodi pri Osnovnom sudu u Banja Luci, da je sudjelovao u Skladu s Izbornim zakonom BiH na Općim izborima u Bosni i Hercegovini održanim 2018. godine, te da je s kandidatske liste ispred stranke SNS-a D. R. osvojio mandat u Skupštini Kantona 10, tj. da je izabrani nositelj mandata ispred SNS D. R. nastupao kao zastupnik SNS u Skupštini Kantona 10 do rujna 2019. godine kada je istupio iz SNS-a kao političke stranke koja je sudjelovala na izborima i na čijoj kandidatskoj listi je bio i osvojio mandat, te da su osnovali novu stranku SNS F BiH čiji je predsjednik isti, te da je u Skupštini Kantona 10 od rujna 2019. godine do 5.10.2019. godine nastupao kao zastupnik-poslanik SNS-a F BiH

Iz obavještenja Centralne izborne komisije BiH, Središnjeg izbornog povjerenstva, broj 06-1-07-1-341/19 od 30.10.2019. godine upućenog Skupštini Kantona 10 proizlazi da je Centralna izborna komisija BiH na svojoj sjednici održanoj dana 24.09.2019. godine donijela odluku o prestanku mandata i dodijeli mandata slijedećem kvalificiranom kandidatu kojom je D. R., delegatu u Domu naroda Parlamenta Federacije BiH izabranom na posrednim izborima 2018. godine s kandidatske liste predlagача R. D. iz Skupštine Kantona 10 iz reda srpskog naroda utvrđen prestanak mandata u Domu

naroda Parlamenta F BiH koja odluka je pravomoćna s danom 11.10.2019. godine, te pozvala da se dostavi Centralnoj izbornoj komisiji BiH na ovjeru kandidatsku listu za izbor delegata iz reda srpskog naroda u Dom naroda Parlamenta Federacije BiH.

Iz Odluke CIK-a, Središnjeg izbornog povjerenstva BiH broj 06-1-07-1-341/19 od 19.11.2019. godine proizlazi da je ista dana 24.09.2019.godine donijela Odluku o prestanku mandata broj 06-1-07-1-341/19 kojom je D. R. ,delegatu u Domu naroda Parlamenta Federacije F BiH izabranom na posrednim izborima 2018. godine s kandidatke liste predlagatelja R. D. iz Skupštine Kantona 10 iz reda srpskog naroda utvrđen prestanak mandata u Domu Naroda Parlamenta Federacije BiH te da je imajući u vidu da je kandidatska lista predlagatelja R. D. prestankom njegovog mandata ostala iscrpljena, utvrđivanjem rezultata posrednih izbora za Dom Naroda Parlamenta Federacije Bosne i Hercegovine iz Kantona 10 kandidatska lista predlagatelja A. Š. dobila 1glas-1 mandat te da je mandat u Domu naroda Parlamenta Federacije BiH iz Kantona 10 dodijeljen delegatu A. Š.

Nadalje iz provedenih dokaza Zahtjeva za dostavu transakcijskog računa broj 01-02-14-167/19 od 11.12.2019. godine proizlazi da je Skupština Kantona 10 pozvala sve parlamentarne stranke u Skupštini Kantona 10 da u Stručnu službu dostave akt/ obavijest koja sadrži broj transakcijskog računa političke stranke, tijelo parlamentarne stranke, te potpis i ovjeru ovlaštene osobe, a jer se na Dnevnom redu Skupštine Kantona 10 planirane za dan 30.12.2019. godine kao točka dnevnog reda nalazi i Odluka o odobravanju sredstava iz Proračuna Kantona 10 za 2019. godinu dok je uvidom u Zahtjev za uplatu Sredstava broj 01-02.14.167.11/19, Akt-dostava žiro računa zaprimljen u Skupštinu Kantona 10 21.01.2020. godine potpisanih od strane D. R. kao predsjednika SNS-a F BiH utvrđeno da se isti izjasnio da se sredstva namijenjena za parlamentarne stranke Skupštine HBŽ iz Proračuna HBŽ za 2019. godinu uplate na žiro račun SNS-a F BiH, što je nesporno i učinjeno

Također iz iskaza svjedoka A. Š. kao i Izjave i obavijest istog broj: 01-03/12-11-132/20 protokolirane u pisarnicu skupštine 28.12.2020. godine proizlazi da je zastupnik A. Š. obavijestio Skupštinu Kantona 10 da s obzirom da od 18.01.2020. godine u Skupštini Kantona 10 nastupa kao član i poslanik/ zastupnik SNSD-a da se novčana sredstva planirana u Proračunu Kantona 10 za 2020 namijenjena parlamentarnim političkim strankama za njegov osvojeni mandat u skladu s tim isplate na račun SNSD-a što je nesporno i učinjeno .

Iz Izjave D. P., zastupnika u Skupštini Kantona 10, broj: 01-03/12-11-119/20 od 11.12.2020. godine uvrđeno je da je isti naveo da se sredstva koja su predviđena za financiranje političkih stranaka u Skupštini Kantona 10 temeljem osvojenih mandata (1 mandat) isplate na račun stranke SNS F BiH što je nesporno i učinjeno, dok iz Zahtjeva za uplatu sredstava broj 01-02-45-98 .11/20 zaprimljenog na protokol pisarnice Skupštine dana 18.01.2021. godine potpisanog od strane predsjednika SNS –a F BiH D. R. proizlazi da se sredstva namijenjena za parlamentarne stranke Skupštine Kantona 10 iz Proračuna Kantona 10 za 2020. godinu na ime poslanika D. P. uplate na žiro račun SNS-a F BiH, a što je u skladu s izjavom zastupnika u Skupštini Kantona 10 D. P..

Dakle, imajući u vidu navedeno polazeći od članka **1.9 Izbornog zakona BiH kojim je propisano da mandat pripada izabranom nositelju mandata, a ne političkoj stranci, koaliciji ili listi nezavisnih kandidata koja ga je predložila na kandidatskoj listi neosnovani su navodi tužitelja** da mandat pripada tužitelju SNS-u kao političkoj stranci koja je sudjelovala na Izborima 2018. godine, a na osnovu čega bi dakle (osvojenog mandata) istom trebala biti isplaćena novčana sredstva koja tužbenim zahtjevom potražuje.

Naime i sam tužitelj u završnim izlaganjima navodi da Zakon o financiranju političkih stranaka u BiH koji se primjenjuje i u F BiH ne regulira jasno ovu oblast, pa je tako člankom 3 navedenog Zakona propisano samo da se politička stranka između ostalog može se financirati iz kantonalnih budžeta .

Zakon o finansiranju političkih parija iz Budžeta Republike, Opštine i Gradova (Službeni glasnik RS broj: 65/08) kojim je regulirano da pravo na sredstva imaju političke stranke koje imaju osvojene mandate u Narodnoj skupštini RS, odnosno skupštinama opština i gradova, kao i da promjena političke stranke ne utiče na isplatu sredstava ne može se primjeniti na spor u konkretnom pravnoj stvari .

S toga imajući u vidu da je tuženik isplatu novčanih sredstava iz Proračuna Kantona 10 za 2019 i 2020. godinu izvršio sukladno dostavljenim izjavama izabranih nositelja mandata u Skupštini Kantona 10, kojima mandat i pripada, te da Odluke Skupštine na koje se poziva tužitelj, a koje su nesporno donesene od strane tuženika nisu u skladu s dostavljenim izjavama izabranih nositelja mandata, jer se u Odluci iz 2019. godine navodi kao stranka kojoj se odobrava isplata sredstava SNS, dok iz izjave D. R. nedvojbeno proizlazi da sredstava iz Proračuna HBŽ za 2019. godinu trebaju biti isplaćena stranci SNS F BiH, iz izjave A. Š. da sredstva iz Proračuna za 2020. godinu trebaju biti isplaćena SNSD-u, dok iz izjave D. P. proizlazi da se sredstva za njegov osvojeni mandat za 2020. godinu isplate na račun SNS F BiH, sud je iskaze svjedoka A. T., J. Č. i D. Ra. u dijelu u kojem su nakon što su im predočene navedene Odluke iskazali da se radi o očitoj pogrešci u pisanju skraćénice imena stranke cijenio kao istinite i vjerodostojne.

Također u prilog zaključku da se radi o očitoj pogrešci u Odlukama Skupštine prilikom unošenja skraćénice naziva stranke SNS umjesto SNS F BiH potvrđuju i Obrasci za isplatu od 21.01.2020. godine i 20.01.2021. u kojima se u rubrici bankovni račun navodi ispravno broj računa SNS F BiH prema Izjavama zastupnika – nositelja mandata dok se kao naziv stranke navodi SNS umjesto SNS F BiH kao stranka kojoj pripada navedeni račun.

Ocjenom utvrđenog činjeničnog stanja, sud nije našao da je tuženik postupao mimo granica ovlaštenja, da je postupio po Izjavama dostavljenim od strane izabranih nositelja mandata, te je stoga odbio tužbeni zahtjev u pogledu tražene isplate.

Tuženik je postavio na ročištu glavne rasprave određen zahtjev za naknadu troškova, koji se sastoje od troškova zastupanja po zakonskom zastupniku, sastava odgovora na tužbu 720,00 KM, pristup na pripremno ročište i ročište gl. rasprave po 720,00 KM, a što sve zajedno iznosi 2,160,00 KM.

Odluku o troškovima postupka sud je donio temeljem odredbi čl. 386. st. 1 i 395. ZPP-a, jer stranka koja u cijelosti izgubi parnicu dužna je protivnoj stranci naknaditi troškove, a odredba o troškovima primjenjuje se i na stranke koje zastupa javno pravobraniteljstvo i u tom slučaju troškovi postupka obuhvaćaju i iznos koji bi se stranci priznao na ime nagrade odvjetniku. Visina troškova je određena u skladu sa čl. 12. st. 1. ²Tarife o o nagradama i naknadi troškova za rad odvjetnika

Odredbom čl. 179. st. 1. i 3. ZPP-a propisano je kada se stranci u presudi nalaže izvršenje kakve činidbe, odredit će se i rok u kojemu je tu činidbu dužna izvršiti. Rok za izvršenje činidbe počinje teći prvog dana nakon dostave prijepisa presude stranci kojoj je naloženo izvršenje.

Shodno uspjehu u parnici tužitelj je u obvezi sam snositi svoje troškove postupka.

S U D A C
Martina Baković

Pouka o pravnom lijeku:

Protiv ove presude može se izjaviti žalba KANTONALNOM SUDU u Livnu u roku od 30 dana od dana dostavljanja. Žalba se podnosi putem ovog suda, u dovoljnom broju primjeraka za Sud i protivnu stranku.
